

ХРАМ ВОЗНЕСЕНИЯ ГОСПОДНЯ

# Канон за единоусопшего

Читается по сороковой день

Этот канон можно скачать на нашем сайте. Для удобства чтения на нашем сайте этот канон отдельно для усопшего (муж.род) и усопшей (жен. род).

Адрес сайта: <http://hram-vozneseuiy.cerkov.ru>

В каноне встречается слово «*имярек*». Вместо него надо назвать имя усопшего.

Каноны о усопших (как о едином, так и о многих) можно читать в домашней молитве по выбору и желанию в любое время, кроме двенадесятых и великих праздников, воскресных дней, а также дней Страстной и Светлой седмиц.

Моли́твами святы́х оте́ц на́ших, Го́споди Иису́се Христе́ Бо́же наш, поми́луй нас. Ами́нь.

*Песнь 1*

**Покóй, Го́споди, ду́шу усóпшаго раба́ Твоего́.**

Отвэ́рз уста моя, Спа́се, слово ми пода́ждь моли́тися, Милосéрде, о престáвленнем рабé Твоём, *имярек*, да покóиши ду́шу его, Влады́ко.

**Покой, Господи, душу усопшаго раба Твоего.**

Мертв быв плóтию, Спа́се, и во грóбе положéн с мёртвыми, душу раба Твоего покóй в месте злáчне, яко Милосéрд.

*Слава Отцу и Сыну и Святому Духу:* Молéбный глас мой услыши, Боже Триипостáсне, и учини́ душу престáвленнаго в нéдрах Авраáмлих, Избáвителью.

*И ныне и присно и во веки веков. аминь:* Ты, Пречы́стая Богородице, Егóже без иску́са мýжеска зачéнши родила́ еси, моли Сына Твоего подáти покóй рабу́ Твоему престáвленному, *имярек*.

*Песнь 3*

**Покой, Господи, душу усопшаго раба Твоего.**

В месте злáчне, в месте покóйне, идéже ли́цы святы́х веселя́тся, душу раба Твоего престáвленнаго покóй, Христе, Едине Мíлостиве.

**Покой, Господи, душу усопшаго раба Твоего.**

Идéже ли́цы святы́х, та́мо вчини́, Влады́ко, послужíвшаго Тебе всем сердцем и воздв́гшаго ýго Твое на ра́мо своё, яко Един Влады́ка животá и смерти.

*Слава Отцу и Сыну и Святому Духу:* Небéсный Отче Вседержíтелю, и Сы́не Единорóдный, и Ду́ше Святы́й Исхóдный, прэ́зри умéршаго согрешéния, и в Цéркви пéрвенец всели́ его, сла́вити Тя со всеми угóждшими Тебе.

*И ныне и присно и во веки веков. аминь:* Яко Мáти Свята́я Пресвята́го Бо́га, Влады́чице вся́ческих, Марíе Богорóдице, со всеми святы́ми Сегó моли́ душу покóити раба Твоего, *имярек*, в небéсных селéниях.

**П**окóй, Спáсе наш, / с прáведными раба Твоего, / и сего вселí во дворы́ Твоя́, / я́коже есть пíсано, / презира́я, я́ко благ, прегрешéния его / вóльная и невóльная, / и вся я́же в вéдении и не в вéдении, Человеколю́бче.

**С**лава Отцу и Сыну и Святому Духу, и ныне и присно и во веки веков. аминь: От Дéвы возсия́вый мíру, Христé Бóже, / сýны свéта Тóю показáвый, / помíлуй нас.

*Песнь 4*

**Покой, Господи, душу усопшаго раба Твоего.**

Сошéдый в преиспóдня, Христé, совоздвígл еси умéршия вся, и престáвльшагося от нас покóй, Спáсе, я́ко щéдр.

**Покой, Господи, душу усопшаго раба Твоего.**

Никтóже без грехá есть, тóкмо Ты Едín, Владыко, сего́ ради престáвленному и грехи оста́ви, и в рай того вселí.

**Слава Отцу и Сыну и Святому Духу:** Услы́ши, Трóице Свята́я, глáсы молéбныя, приносíмыя Тебé в цéркви о усóпшем, и Богоначáльным Твоим светом озарí душу, омрачéнную сýетными привéржении.

**И ныне и присно и во веки веков. аминь:** Родилá еси, Пречíстая, без мýжеска сéмене, Бога совершéнна и Челове́ка совершéнна, взéмлющаго грехí наша, Дево. Того моlí, Госпожé, престáвльшемуся рабú Твоему подáти покóй.

*Песнь 5*

**Покой, Господи, душу усопшаго раба Твоего.**

Имýй животá и смерти власть, престáвленнаго от нас покóй, Христe Бoже, Ты бо еси всех, Спáсе, покóй и живот.

**Покой, Господи, душу усопшаго раба Твоего.**

На Тя, Спасе, надежду возлóжь, умéрый оты́де от нас; Ты же, Гóсподи, ущéдри его, я́ко Бог многомíлостив.

**Слава Отцу и Сыну и Святому Духу:** Просветí нас, Трисвя́те, воспева́емый Владыко, моля́щихся Тебе, мир небесный прия́ти, и в мíрных сéлех душу вчинí, отшéдшую от врéменных в наде́жде безконéчныя жизни.

***И ныне и присно и во веки веков. аминь:*** Шуйяго стояния, Пречистая, избавити преставленнаго умоли Сына Твоего, Дево Госпоже, яко Спаса и Бога нашего Мати сущая.

*Песнь 6*

**Покой, Господи, душу усопшаго раба Твоего.**

Ада испроверг, Владыко, воскресил еси умерших от века: и ныне преставленнаго от нас, в недра Авраамле Ты, Боже, всели, прегрешения вся отпусти, яко Милосерд.

**Покой, Господи, душу усопшаго раба Твоего.**

Заповедь, юже ми дал еси, Боже, преступих и смертен бых, но Ты, Боже, сошедый во гроб и души яже от века воскресивый, не возстави мене, Владыко, на мучение, но на покой, преставленный вопиет Тебе с нами, Многомилостиве.

***Слава Отцу и Сыну и Святому Духу:*** Молим Тя, безначальне Отче и Сыне и Духе Святыи, злобою душезлюбнаго мира озлобленную и к Тебе, Зиждителю, прешедшую душу во адово дно не отрини, Боже Спасе мой.

***И ныне и присно и во веки веков. аминь:*** С небесе Христос Бог наш, яко дождь на руно, Пречистая, сниде на Тя, напаяя весь мир и иссушая вся безбожныя потоки, наводняяй всю землю разумом Своим, Приснодево; Того моли дати покой преставленному рабу Твоему, *имярек.*

**С**о святыми упокой, / Христе, душу раба Твоего, / идеже несть болезнь, ни печаль, / ни воздыхание, / но жизнь безконечная.

**Икос:** Сам един еси безсмертный, / сотворивый и создавый человека: / земнии убо от земли создахомся, / и в землю туюжде пойдём, / якоже повелел еси, создавый мя и рекый ми: / яко земля еси, и в землю отыдеши: / аможе вси человецы пойдём, / надгробное рыдание, творяще песнь: / аллилуия, аллилуия, аллилуия.

*Песнь 7*

**Покой, Господи, душу усопшаго раба Твоего.**

Владыко Христэ Боже, егда хощеши судити миру, пощади душу раба Твоего, егже от нас приял еси, вопиющаго: отец наших Боже, благословен еси.

**Покой, Господи, душу усопшаго раба Твоего.**

В пищи райстей, идеже праведных души веселятся, послуживших Тебе, причти с ними, Христэ, душу раба Твоего, воспевшаго: отец наших Боже, благословен еси.

**Слава Отцу и Сыну и Святому Духу:** Иудейския три отроки спасый во огни, в Трех Лицах воспетый, избави огня вечнаго усопшаго, воспевшаго Ти верно: отец наших Боже, благословен еси.

**И ныне и присно и во веки веков. аминь:** Владыку Христа рождающая, всех Бога, власти темныя воздушнаго князя избави, Дево, душу преставляшагося в вере и воспевшаго: отец наших Боже, благословен еси.

#### *Песнь 8*

**Покой, Господи, душу усопшаго раба Твоего.**

Скончав течение и к Тебе прибегах, Господи, преставленный вопиет ныне, прегрешения остави, Христе Боже, и не осуди мене, егда хощеши судити всем, верно бо Тебе взывах: вся дела Господня, Господа пойте и превозносите Его во веки.

**Покой, Господи, душу усопшаго раба Твоего.**

Понесшаго, Владыко, иго Твое на раме своем, и бремя Твое легкое, аще и не всегда, обаче в месте преподобных Твоих всели душу его, воспевшаго Тебе, Христе Спасе: отроцы благословите, священницы воспойте, людие превозносите Его во веки.

**Благословим Отца и Сына и Святаго Духа, Господа.**

Безначальная Троице Святая, Боже Отче и Сыне и Духе Святыи, в лице святых причти душу преставленнаго раба Твоего и огня вечнаго избави, да Тя хвалит, воспевая во веки: отроцы благословите, священницы воспойте, людие превозносите Его во веки.

**И ныне и присно и во веки веков. аминь:** Тя, Дево, пророчестии лица прорекша, прозяще бо Тя прозорливыма очима: ов убо жезл нарече Тя, ин же дверь восточную, ов же гору человеки несекому.

Мы же исповедуем Тя войстинну Богородицу, Бога всяческих рождшую, Егѡже моли упокоити преставленнаго во веки вся.

### *Песнь 9*

#### **Покой, Господи, душу усопшаго раба Твоего.**

Иисусе Боже мой, Спасе, Адамле Ты взял еси преступлѣние и смерти вкусил еси, да человеки от неѣ свободиши, Милосерде. Темже молим Тя, Милостиве: преставленнаго покой, яко благ, во двѡрех святѣх Твоих, яко Един всеблагий и милосердый.

#### **Покой, Господи, душу усопшаго раба Твоего.**

Нестъ никтоже, Милосерде, иже не согрешѣ в человецех, токмо Ты един, Иисусе Христѣ, вземляй грехи всего мира. Темже, очисти раба Твоего от прегрешѣний, вчини во святых Твоих двѡрех, Ты бо живота еси и покой, и свет, и весѣлие всех, Тебе благоугодивших.

**Слава Отцу и Сыну и Святому Духу:** Удивися все естество человеческое, како безначальнаго Отца Сын сый единородный, плоть от Девы дѣйством Святаго Духа приял еси, и пострадал еси яко человек, да умершия оживиши. Тем и преставленнаго ныне от нас, прилѣжно молим Тя, во странѣ живѣх, яко Благ, всели.

**И ныне и присно и во веки веков. аминь:** Невѣсту Тя нарицаем, Пречистая, Отца невидимаго, и Матерь Сына, из Тебѣ Духом Святым воплощеннаго, и молебницу Тя о усопшем рабѣ Твоѣм, *имярек*, предлагаем: Тебѣ бо помощницу имамы, земнии, и любовьию поюще Тя величаем.

Достойно есть яко войстинну блажити Тя, Богородицу, присноблаженную и пренепорочную и Матерь Бога нашего. Честнейшую Херувим и славнейшую без сравнения Серафим, без ислѣния Бога Слова рождшую, сущую Богородицу, Тя величаем (*поклон*).

### **Молитва**

Помяни, Господи Боже наш, в верѣ и надежди живота вѣчнаго усопшаго раба Твоих, *имярек*, и яко благ и человеколюбец, отпускай грехи и потребляй неправды, ослаби, остави и прости вся вольная его согрешѣния и невольная, возставляя его во святѡе вторѡе

пришествие Твое в причастие вечных Твоих благ, ихже ради в Тя  
Единаго вероваша, истиннаго Бога и Человеколюбца. Яко Ты еси  
воскресение и живот, и покой рабу Твоему, *имярек*, Христе Боже  
наш. И Тебе славу возсылаем, со безначальным Твоим Отцем и с  
Пресвятым Духом, ныне и присно и во веки веков, аминь.